

զանէն (Օրագր. էջ 382): Ծնած կը լինի իր մկրտուեւ-
լէն 8-10 օր առաջ:

2. Ակինեան կը յիշէ⁽¹⁾ թէ մանրանկարիչ եղած է Մաղաքիա ու իր հօր հետ էջմրածին գացած և Յո-
հաննավանքին մէջ ծաղկած է Նահապետ կաթողիկոսի
(այն ատեն վարդապետ) Աստուածաշունչը: Ապա կ'ա-
ւելցնէ. «Մաղաքիա 1686ին պատանի է տակաւին⁽²⁾.
Թէ ի՞նչ եղաւ այս թուականէն ետքը իր բախտը, կը
լռէ պատմութիւնը»:

Բարեբախտաբար Մինաս Ամգեցիի Փրագրութիւնը
կու գայ քիչ շատ լոյս սփռել Մաղաքիայի կեանքին
վրայ:

Յիշեցինք վերև (էջ 44 ծնթ.) Ձէլէպիի Յոհան-
նավանքէն կամ Ս. Յովհաննու Կարապետի (Բրօտրօ-
մօս) վանքէն 1686 թուականով Կ. Պոլիս՝ ազգաւ յոյն
իր մէկ բարեկամին ուղղած հայատառ թուրքերէն
նամակը: Ատոր մէջ կը գրէ թէ իր այդ կողմերը
գալուն մէկ պատճառն ալ եղած է Նահապետ վար-
դապետի Աստուածաշունչը, զոր իր որդին նկարելու
վրայ է. «Սէպէպ Նահապետ վարդապետ պիպլիտի
օլտի քի պէնտէզատէնըզ (Մաղաքիա) մութէլլա նա-
գաշլայէր» (Յաւել. էջ 522):

Եղիազար կաթողիկոս 1685 Յուլիս 23ին Մինաս
Ամգեցիի և Նահապետ վարդապետի հետ Օշականի և
Յոհաննավանքի վրայով կ'երթայ Սաղմոսավանք ու
հոն կը քնայ ժամանակ մը: Երեմիա Օգոստ. 2ին էջ-
մրածինէն հոն կը հասնի, անշուշտ իր Մաղաքիա որ-
դիին ու անոր Նահապետ վրդ.ի համար մանրանկա-
րած Աստուածաշունչին հետ: Այդ միևնոյն օրը Նա-

(1) Ձէլէպի, էջ 38-39 և 56:

(2) Քաանըջօրս տարեկան երիտասարդ է, ծնած ըլլալով
1662 թուին: